

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**

Broj: 003-0-Su-26-000131  
Tuzla, 25.03.2026. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126j. Pravilnika o sistemu za automatsko upravljanje predmetima u sudovima („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20), predsjednik Kantonalnog suda u Tuzli, podnosi

**I Z V J E Š T A J**

**o provedenoj provjeri tačnosti i ažurnosti unosa podataka u CMS  
za period 01.01.2025. – 31.12.2025. godine**

U skladu sa odredbama člana 126a. do 126l. Pravilnika o sistemu za automatsko upravljanje predmetima u sudovima (CMS), u Kantonalnom sudu u Tuzli u toku 2025. godine provedena je jedna provjera tačnosti i ažurnosti unosa podataka u CMS-u i to za period od 01.01.2025. – 30.06.2025. godine.

Provjera je izvršena pojedinačno za svakog sudiju, osim 3 sudija koji su otišli u penziju i 2 sudija koji se nalaze na dužem bolovanju, i to u 5 predmeta sudije, po referatima i statusu predmeta, automatskim odabirom predmeta kroz CMS izvještaj „Lista predmeta za provjeru kvaliteta podataka“, po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, privrednog, vanparničnog, izvršnog, upravnog i zemljišno – knjižnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka evidentiranih u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. – Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim prvostepenim, drugostepenim krivičnim predmetima i drugostepenim prekršajnim predmetima odnosile su se na slijedeće nedostatke:


- U nekim predmetima nedostaje popunjeno polje „Općina/Opština mjesta izvršenja krivičnog djela“;
- U nekim predmetima nedostaje podatak „Vrijeme i mjesto počinjenja djela“;
- U dva krivična predmeta nedostaje matični broj optuženog lica i
- U jednom drugostepenom prekršajnom predmetu nedostaje porezni broj pravnog lica

U drugostepenim parničnim predmetima i predmetima upravnog spora nije bilo utvrđenih nedostataka i nepravilnosti ni u jednom predmetu.

Napominjemo da je u izvještajnom periodu 01.01.2025. – 31.12.2025. godine izvršena samo jedna provjera tačnosti i ažurnosti unosa podataka u CMS-u i to za period od 01.01.2025. – 30.06.2025. godine, s tim da provjera tačnosti i ažurnosti unosa podataka u CMS-u nije izvršena za period juni do decembar 2025. godine.

Kako je novoimenovani predsjednik Kantonalnog suda u Tuzli stupio na dužnost dana 05.01.2026. godine, to i nije bilo moguće retroaktivno izvršiti pregled predmeta i provjeriti tačnost i ažurnost unosa podataka u CMS za 2025. godinu.

Sud će u tekućoj godini u cijelosti ispoštovati odredbe Pravilnika o sistemu za automatsko upravljanje predmetima u sudovima i odredbe člana 126b. stav 1. Pravilnika o sistemu za automatsko upravljanje predmetima u sudovima, tj. najmanje dva puta godišnje izvršiti će provjeru tačnosti i ažurnosti unosa podataka u CMS.



**Predsjednik suda**

**Dr. sci. Muhamed Tulumović**